

خزینہٴ اوراق

نمبر
۳۶

تاریخ تالیف
۱ مایس سنہ ۱۲۹۷

جمعہ ایرتسی

عمومی اعتباریہ فتونہ دائر رسالہٴ ادبیہ در

آبدہ درت کرہ اولہ رق جمعہ ایرتسی کونلری چیقار

در دنجی ذلتی واقع اولانی تذلیل ایتمیوب ذلتی تاویل
ایتمکدر .

بشنجی کنهکار عذر خواهک عذرنی قبولی ایتمکدر .

انتجی انجاح حاجات محتاجیندر .

یدنجی اذیت خلقه تحملدر .

سکزنجی کندو عینه اطلاع و اعترافدر : طوبی لمن شغله

عیبه عن عیوب الناس . اثر لطیفه اکا اشارت اولتمشدر .

طقوزنجی خلقه بشاشت وجهدر .

اوننجی خلقه خلقیه و فقرایه رفقه معاملهدر .

کچن که افیون مقاله سنده بر قاج کله لک نقطه لری

زیاده و نقصان دیزلمشدر

« افیون مابعد »

افیونک ترکیبه کلنجه : باشلوجه شبه قلیوسی بعض اجسامی

حاویدر بونلرده مورفین نارقوتین تاسئین، تبائین یاخود پارا-

مورفین، پسود و مورفین، پورفیر و قزهین پاپاورین مقونین

اوپیانین دن عبارتدر بونلردن فضلله خامض مقونیک ماء

و مواد ضمیمه و رانجیه و بر ماده مستکرمه طیاره یی

محتویدر .

افیونک اجزای ترکیبه سنده «ماغنس لاهس» نام ذات طرفندن

سکر عتب بولندیغی کشف اولنش ایسه ده ماده مذکور هک

وجودی عجا افیونک معشوشیدن ناشیمی کورلمشدر یوخسه

سکر مذکور فی الحقیقه ترکیبده داخلی در استکناه حقیقت

ماده ضمنده تعمیق فکره لزوم کورلمیه رک پک جزئی تجسس معلو-

مات ذهنیه ایله اکثر عصارات نباتیه نك تركيبنده سكر فبك
(غلیقوز) بالطبع موجودیتی درخاطر ایدیله جکندن حل مسئله
ایدلش اولور.

افیونك خاصه معلومه سی متقدمینك معلوملری ایدیه ده بعض
كره خاصه مزبورده دهها زیاده اعتنا اولنوب بعضاً دخی
اصلاً اهمیت ویرلمز ایدی یونان و روما اطباء قديمه سی
افیون تریاق و مستزیدات معجونلری کی ترتیبات ایله
استعمال ایدوب اندر اوله رق یالکزجه بلا ترکیب استعمال ایدرلر
ایدی مع هذا خاصه شفاییه افیونك تأثیراتندن ایلرو کلدیکنه
شبهه لری یوق ایدی

حکمای اسلامیه دن ابن رازی و ابن سینا کی مشاهیر
طریق تجربه ده خطوه انداز ترقی اوله رق عالم طبابتی احیا
و ثمره تجسسات علمیه لری ایله افیونك خواصنی بالاثبات بوخصو-
صده خیلی اوراق املا ایلدیلر شو عالم تجدده ده هیچ براختراعات
بشر زمان واحده ده هم احداث و هم اکال اولنه میه جنی درکار
اولنه جغندن اطباء متأخریندن و بیک درتوز طقسان اوج
تاریخ میلانده تولد ایدن «پاراسلس نام ذات معارفسمات ایله
سیدانجام طرفلرندن حکماء مشارالیه مک بو

بابده میدان وضوحه قویدقلری اثار علمیه لری تصدیق اولنده رق
دها بعض شیلر دخی علاوه قلندی مع مافیه جمعیت بشریدنك
اعاده صحته خادم بویله بر دواء مفرز و مبارکی دها صکره
کلان نظاسین هنوز دها اوزمانه دکن استعمال اولنماش بعض
امراضده موقع تجربه ده وضع ایله عالم انسانیتك تنویریشه
خدمت ایلدیلر .

مابعدی وار
(درویش افندی)